

PEIJ KO AN IJO JOKWE IE ILO PACIFIC

ENNAAN EO AN ERIA BÜREEJTÖNJI EO

Ippān doon, Jemaroñ Kōmḡmane juon Oktak

Jen Elder F. Michael Watson

Ilo rie ememlōkjen, ilo iiō in jermal ko ilo Kabuñ eo an Jisōs Kraist im Armej ro Rekwojar-jar ilo Raan-ko Āliktata, ta iien ekkatak ko remḡman kar lelōk nān armej ro nān mour ilo juon laḷ eo eobrak kōn ettōḡak ko, idajoñjoñ ko im eñjake ko kōn juon tōre in mour.

Ilo iiō in jodikdik ko kōm ar lōmḡak epād aolep ilo juon pakij edik, ebojak in peḷlōkin āinwōt erremḡanlōk in kapin lañ ko rekāal kar ejaki ilo kōlmenlōkjen ko am make. Kōm kar pojak nān jabdewōt men kōnke kōm kar jeḷā kōḡnaan ko an būruwōm im maroñ aolep iien lo meram eo ilo jemlōkin taneḷ eo, ak kōm ar lōmḡak.

Ejja iiō kein wōt ar obrak kōn jeḷālōkjen jān rikaki ro remminene. Innām tokālik kapeel in ekkatak ko ilo iaḷen leto-letak meḷeḷe im kajieoñ in kōmeḷeḷeik armej, ro ekkā aer wōr juon lōmḡak eo einjuon. Kōm ar jinḡ antoone lōk juon oktak eo emakijkij an waḷok, juon oktak in tōmak, juon kūrḡool in juon mijen nān armej ro me rejjab kōn er make. Kajjojo raan emaroñ in jermal ak jab jermal, im ekkā am jab bōk iien nān kātātet wūt ko.

Ilo iien ekkairir jermal erom juon ḡool, kōj āinwōt ḷaddik

ro im leddik ro nejin Anij eo emour jej aikuj in jermal ippān doon nān doḡdḷok jān būruwōd im doorlōk jān jukjukinpād eo ad, aolep ḡōttan ko an jepel bōro jimor ilo naan im kōmḡman. Baj kajjieoñ in kōmaroñ maroñ an juon armej nān eddōklōk, ekkatak im lukkuun errā ilo laḷ in ekilep eo jej ḡaetan kapijuknen.

Nān kōmḡmane menin, kein 18th epepen, juon emḡaan eaar kwaḷok bwe eḷāñne juon ar “jab kālet Aelōñ in Kiiñ eo an Anij ḡokta, enaaj ilo jemlōkin kōmḡman ejeḷōk oktak kōn ta eo kwar kāleti.”¹

Tōre in jemaroñ in errā nān jab errā ioon jet unin kōnono ko an armej in kabuñ ko, jemaroñ in itok ippān doon āinwōt juon baamḷe letok in Anij nān kōmḡmanlōk mour im laḷ in bwe en juon jikin emḡanlōk.

Kajjitōk ippām make, ta eo ilo kwe, ta eo ḡool emḡwilaḷ ilo jetōb eo am, ta eo kokōḡnaan bōke. Bōlen emaroñ in juon ḡool in uwaak nān kajjitōk kein:

Iaar itok jān Ia?
Etke Iaar pād ijin?
Inaaj ilōk nān ia?

Uwaak ko nān kain kajjitōk rot in ejjab maroñ in alikar jān katak ko an armej, ak ej aikuj in



Elder F. Michael
Watson

waḷok ilo tōre in pedped ko rej idajoñjoñ ko rej jermal āinwōt juon tōl ejejet. Ekkatak in ikkijejen kabuñ jej aikuj in meḷeḷe kake ej bwe aolep emḡaan im kōrā rej ḷaddik im leddik ro nejin Anij, bwe jaar mour Ippān ilo mour eo ḡokta, im bwe mour ko jej mour kake rainin rej ḡōttan wōt juon ito itak indeeo. Ippān doon jej maroñ kōmḡman juon oktak ilo ekkatak kajjojo raan jān jeje ko emōj kwaḷoki, kōlmenlōkjen, im uwaak eo ekwojajar kōn jar.

Ilubwiljid rainin rej Rikanaan ro, Rilolo ro, im Rikwaḷok revelesōn ro me ar jeje:

“Ilo ḡool Irooj Jeova e jab kōmḡman jabdewōt ñe ab Ej

kwaļok pepe eo An ñan ro ri karijeran, ri kanaan ro.”²

Kar katakin kōj ñan tōmak im meļeļe bwe Anij ej Jemed Indeeo ilo Lañ, Nejin, Jisōs Kraist rej lukkuun mool, im jemaroñ in bōk juon kaṃool jen Jetōb Kwojarjar eo ej letok mool.

An wōnṃaanļok wōt Revelesōn ej menin aikuj rainin āinwōt ar kar waļok ilo bwebwewenato an laļ in. Kaṃool an jeje ko rej alikar:

“Pukōt kien ko bwe reṃool im jejet, im bwe kanaan ko im kallimur ko ilo er renaaj aolep kūrṃool. Ta eo Ña Irooj ij kōnono, laar kōnono, im Ij jab jekpen ṅae eō make; im meñe lañ ko im laļ renaaj jako, naan ko aō rejamin jako, ak renaaj aolep kūrṃool, meñe jen ainikiō make ak aenikien ro rikarejera, eja āinwōt. Bwe lo, im lo, Irooj ej Anij, im jetōb rej kwaļok kaṃool, im kwaļok eo ej mool, im bwe mool en pād ñan indeeo im indeeo.”³

Rikanaan ro raar katakin kōj bwe tōmak eo ad eaikuj in jejet ilo juon laļ eo ej ukōt aorōk ko. “Emōj ad lo juon oktak eo elap ilo joñak ko an ṃwil an kanniek im jetōb ilo jet iio reṃootļok. Kabuñ ko elap aer kōjparok mool eo. Kabuñ in [Ad] ej wōnṃaanļok ñan kwaļok, ilo ejjeļok kalijōkļok im ṅotaan, bwe erre eo an make ej ñan kaṃōñōñō, mool im tiljek rej iolepen kōṃṃan ko ad, bwe kautiej en bōk jikin,

bwe jouj en juon eddo, im bwe kautiej ñan tōmak ko im iminene ko an ro jet en juon pedped me jab maroñ kowaane elaññe juon ej Rikūrijin.”⁴

Jej tōmak ilo juon kabuñ me ej nōpar im kautiej kōrā ro. “Jej kwaļok ilo tōl bwe ilo Kabuñ in juon kōrā ejjab etal iṃaan ak ilōkan ļeo pāleen bōtaab ej ilōk ilo rājetin āinwōt juon wōt.”⁵

“Baba ro ewōr juon pedped im eddo jab maroñ kowaane ñan jutak kake āinwōt bōran juon baamle. Eo ejjeļok IPPAN jabdewōt kajoor in kipel ak ṃwil ko rejjab eṃṃan. Ej letok mālim ñan kabwe aikuj ko an baamle ko aer. Aikuj kein relapļok jen ṃōñā, nuknuk, im jikin kōppād. Aikuj ko ekoba tōl im katak ko rejimwe, kōn waanjoñak barāinwōt kōn ṃwil, kōn unin pedped ko an mool, tiljek, jermal in jipañ, kautiej jimwe ko an ro jet, im juon meļeļe bwe jej bōk eddo, ejjab wōt ñan doon ak ñan barāinwōt Anij, bwe eñin men eo jej kōṃṃane ilo mour in.”⁶

Kōrā ro, ro rej kālet ñan kōṃṃane juon eṃ juon kapijuknen, kōṃṃane juon menin leļok eo eļap ñan jukjukinpād eo innām ñan ro rej tōl kumi in ritarinae ro reļlap ak jutak jab bōran pejne ko. Imwe eo an kōrā ro, ro ilo wāween ko aer make, kalōk jikin mour epen an baamle im kōkkajiririik kōn

eṃṃan eo ejjeļok jemļokin, epepen ko ilju im jekļaj rej jamin maroñ jab bōnbōn.⁷

Ejja pedped kein wōt rek-kar ñan eddōkļok eo ilubwiljin jodikdik ro ad rainin, paineer ro an ilju, ro renaaj ekkatak ñan etal iṃaan im kwaļok ñan ro jet iaļ eo ñan ļoor e.

Kōn kain pedped im katak ko jej jamin, ban, ban, bōjrak ad kōṃṃani. Mour ej jamin naaj āinwōt kar ṃokta ñan kajjojo, ak kajjojo armej remaroñ jipañ ñan kōmour bōro ko im ṃoko. IPPAN doon jemaroñ in loe lañlōn ilo aorōk an juon jetōb ilo ad etal ṃaanļok:

“... Im eļaññe ro nejin armej rej kōjparok kien ko an Anij E ej naajdik er, im kōkajoorļok er, im kwaļok wāween ko im kwaļok wāween ko im remaroñ kōtōp-rak men eo Eaar kakien er. . . .”⁸

Jab ba bar lo eok ñan ro ṃōttad kōn aolepān iio eo, ak baamle eo me emaroñ in IPPAN doon ilo indeeo. Jenaaj ba lo doon bar juon alen kōnke IPPAN doon, jemaroñ kōṃṃane juon oktak. ■

KAKEEMEMEJ KO

1. William Law, 18th century clergyman.
2. Amos 3:7.
3. D&C 1:37-39.
4. *The Mission*, preface jen Gordon B. Hinckley.
5. *The Mission*, preface jen Gordon B. Hinckley.
6. *Standing for Something*, Gordon B. Hinckley.
7. *Standing for Something*, Gordon B. Hinckley.
8. 1 Nipai 17:3.

Mijen eo Ekāāl ar Ejaak ñan Vanuatu, New Caledonia im Solomon Islands

Port Vila, Vanuatu

Vanuatu Port Vila Mission an Kabuñ eo an Jisōs Kraist im Armej ro Rekwojarjar ilo Raan-ko Āliktata eaar ejaak ilo Juḷae, ippān Būreejtōn Larry Evan Brewer āinwōt mijen būreejtōn eo kein kajuon.

Būreejtōn Brewer im kōrā eo ippān Maryanne Anstee Brewer kar karuwaineneik er jen membōr an Kabuñ in, ālkin aer kar tōkāākḷok ilo Port Vila.

Vanuatu Port Vila Mission ebōk Vanuatu, Solomon Islands im New Caledonia. Mōktaḷok,

Vanuatu im New Caledonia raar mōttan Fiji Suva Mission im Solomon Islands raar mōttan Papua New Guinea Port Moresby Mission.

Būreejtōn im Sister Brewer ewōr emen nejier ajri im rej itok jān Colonial Springs, Utah ilo United States. Būreejtōn Brewer eaar jermal ilo elōñ kūr ko ilo Kabuñ in im āinwōt juon Missionary ilo Northern

Vanuatu Port Vila Mission President Larry Brewer im Sister Maryanne Brewer.



India India Mission im Cape Verde Parai Mission. Ej juon retired rŭkaki jān Ogden School District. Eaar lŭtak ilo Logan, Utah.

Sister Brewer barāinwōt ewōr an iminene ko rekajoor kōn jermal ilo Kabuñ in ekoba ilo tōl ko ilo Doulul eo an Kōrā ro, barāinwōt ilo Doulul eo an Jiroñ ro im ra ko an Bŭrai-emere. Kōrā in ar barāinwōt jermal āinwōt juon senior missionary ippān ŭeo ippān. Sister Brewer eaar lŭtak ilo Salt Lake City, Utah.

Oraŭ nōm̄ba in mijen ko kiiō ekoba ilo Pacific in ej 14.

Ewōr juon stake ekāāl ilo mijen in ekāāl, ilo New Caledonia; im emen district ko—jilu ilo Vanuatu im juon ilo Solomon Islands. Ewōr 40 jarlepju in Armej ro Rekwojarjar ilo Raan-ko Āliktata ilo Vanuatu Port Vila Mission, ekoba emen ward ko im 36 branch ko.

“Kabuñ in ej eddōkļŭk wōt ilo aolepen Pacific Eria, im ra eo an mijen in ekāāl ej juon kōkkalle kōn eddōkļŭk in,” Elder James J. Hamula eaar ba, Bŭreejtōn eo an Pacific Eria. “Kōmij lo kom̄ kajjojo, baamļe ko im aolepān jukjukinpād ko rejeram̄man ilo aer ekkatak kake im dāpij jepļaaktok in kŭjpeļ eo an Jisōs Kraist.” ■

PIA EO ETTĀ AN ATAĀKE TEANENE



Bŭreejtōn Baabo Maamau jān Kiribati Service Centre Honourable Dr. Kautu Tenaua rej idik pein doon ilo iien ceremony eo. Japan eo an Rehabilitation Department ilo Ministry of Health im Medical Services Ms. Atateka Tion ej pād ilo tuannm̄oon.

Kabuñ in ej jipañ kōn Kein Taktō ilo Kiribati

Kabuñ eo an Jisōs Kraist im Armej ro Rekwojarjar ilo Raan-ko Āliktata ilo Kiribati raar leļŭk wheelchair ko im mobility aids ñan Ministry eo an Health im Medical Services, ñan jipañ ro ewōr aer utame ilo ānbwin ilo Kiribati.

Menin jipañ eo kōn 272 wheelchair im 172 mobility aids ñan Rehabilitation Department eo an Ministry eo an Jikin Ājmour im Medical Services, kar kōm̄man ilo kar iio in. Aolep wheelchair ko im mobility aids ko naaj



PIJA EO ETTÄ AN ATAAKE TEKANENE

Bök Naan in Kamool Kōn Jar

Jen Suzanne Jeffree

Äinwöt juon eo 11 iio rüttoon, Iaar jino in Äenjake ajimakeke ilo külaaj ko ilo iien jar. Raan in lotak eo aō enaaj iio in tok, im ro mōtta raar diwōjlok jän Būraimere nān būrookraṃ ko an jodikdik. Kajjojo wiik Ij lo eō make ilo juon külaaj, kōtmene Ij pād ippān ro mōtta. Meñe Iaar iakwe men ko kar katakin ilo iien jar, ilo depjab in, aō kōṃaan in pād ilo iien jar ippān baamle eo aō eaar laplok an pedped ioon itoklimo ko, ijelōkin jetōb. Iaar eñjake būrumōj aolep iien ñe Ij deļōñ lok ilo chapel eo ilo Jabōt, im jab kōṃaan pād ijeṃ.

Meñe jekjek ko raar jab lukkuun in aorōk keidi nān elōñ apañ ko jet maroñ jeļmae ilo tōre in mour ko aer, nān juon joñouljuon iio rüttoon, eaar juon tōre epen. Ijoke, äinwöt juon tōprak in kajieoñ nān jerbāl ilo jekjek ko reppen, eaar wōr juon aō eñjake ekajoor eo ar jipañ āje juon iaļ nān eō me ar wōnṃaanlok ilo aolepān mour eo aō.

Ilo tōre in epen, ro jinō im jema reimwe raar kwaļok ilo juon nokon in jota an baamle kōn “bök juon naan in kamool kōn eok make.” Meñe ememļokjeṃ ko rejjejet kōn ta eo kar kōnono kake ilo katak eo ejjab alikar, Iaar keememej an ro jinō im jema ba bwe jemaroñ atartar ioon naan in kamool ko aer tōṃon wōt ad aikuji, ak iien eo enaaj itok ñe jenaaj aikuji bwe en wōr juon ad make naan in kamool. Ilo jemļokin katak eo an jinō im jema raar riiti Moronai 10:3–5 jän Bok in Mormon. Ilo an kab mōj aō riiti aolepān Bok in Mormon kōn juon alen kōn raan ko wōt mōkta, eoon in eaar alikar tok nān eō, ak Iaar jab keememej e nāāt eo Iaar riiti lok make iaō.

leļok nān ro ewōr aer utame ilo ānbwin ilo aolepān Kiribati en jen Rehabilitation Department.

Minister eo an Jikin Äjmour im Medical Services eo, Honoura Dr. Kautu Tenau raar kamoolol Kabuñ in kōn jouj eo an. Ilo ceremony in leļok eo, Dr. Tenaua eaar ba Ministry eo make eban wiaik men kein im leļok wiil jea ko im mobility aids ko kōn ejjeļok wōṃāān nān ro ewōr aer utame ilo ānbwin ilo Kiribati, im enañin aolep ro ewōr aer utame ilo ānbwin rejjab maroñ wia wiil jea im mobility aids kōn er make, kōn menin men in letok kein raar juon kōjeramṃan jimor nān kien eo, im ro ewōr utame ilo ānbwin. ■

Jet wheelchair ko ilo Rehabilitation Department ilo iien ceremony eo.

Ro jinō im jema raar kōmeleleik melele in im raar letok n̄an kōm̄ aolep juon idajoñjoñ n̄an kōm̄mane āinwōt an Moronai ba, n̄an jar im kajjitōk ippān Anij n̄e men ko kōm̄ ar ekkatak kōn kojpele eo ar mool. Innām jema eaar etetal ipe- laakin rūum̄ eo im kajjitōk ippān kajjojo ajri kōn juon wūjleplek eo n̄an kajieoñ. Ro jet raar m̄okaj in errā, ak n̄an eō kōn ememelekeje ko im m̄o- ŋoŋo ko rekāal rekab de pād ilo kōlmenlekeje eo aō jān pād ilo jar ilo raan eo m̄okta, uwaak eo aō ar “jab”.

Jema ar kajjitōk etke, im Iaar uwaak im ba ijjab kōŋaan bar etal n̄an m̄on jar eo. Jema ar kajjitōkin eō, “Elañne kojele emool kwon ke kar itok n̄an M̄on Jar eo?” Eaar juon tōre em̄man n̄an eō ilo aō lōm̄nak kōn kajjitōk eo an.

Melele oktak eo me ar kōm̄man oktak ilowaō, jema ar bar juon alen kajjitōk ippa elañne ikōŋaan bōk idajoñjoñ eo n̄an kajjitōk ippān Anij kōn eō make n̄e Bok in Mormon eaar mool. Iien in Iaar ba aet, ak kajjitōk kōn jipañ eo an, kōnke Iaar jab lukkuun jele ekōjkan n̄an lo uwaak eo jen jar.

Iaar jutak, pād iolpen rūum̄ eo, jibwe pein jema im atartar ippān maanleke n̄an rūum̄ in kiki eo aō im kiiļ kōjem eo. Iaar luukkun kajju kajjitōk ippān Anij innām n̄e Bok in Mormon ar mool, im n̄e Joseph Smith ar juon rikanaan, kōnke ijele bwe uwaak eo An n̄an kajjitōk ko aō raar aorōk n̄an jelet elōñ kālet ko imaroñ kōm̄mani ilo mour eo aō.

Iaar bukewelōlō ilo peet eo aō, im kōnono kōn ta eo Ij aikuj kajjitōk. M̄okta jen aō jino jar, jema ar kapilōk, “Baj jiroñ Jemedwōj Ilañ aolep men kwoj tōmak renaaj mool, innām kajjitōk Ippān ta eo kokōŋaan jele, kiiļ jar eo am, im kōttar”.

Iaar jiroñ Jemedwōj Ilañ bwe ej kab m̄oj aō kōjemleke aō riiti Bok in Mormon, bwe iaar tōmak eaar mool im bwe iaar tōmak Joseph Smith ar juon rikanaan, ak iaar aikuj in jele n̄e emool.

Iaar kōjemleke jar eo aō im bukewelōlō wōt ilo neeō ilo aō jilleke, im kōttar.

Ālkin jidik iien, iaar jele kōn elap eñjake ijañin kar eñjake. Iaar eñjake okmāneen ilo aolepen, ubō āinwōt kijeek, būruwō ar jino m̄okaj an bam̄ im joñan eo me iaar jele jema emaroñ kar roñjake. Anij eaar uwaake jar eo aō.

Melele eo eaar kabwilōnlōñ. Jema ar ba in le- leke juon jar in kaoolol, im bwe Anij en jele iaar bōk kaool eo An, im bwe ij jamin bar pedped wōt ioon tōmak, kōnke ijele kiiō eaar mool, jen kajoor eo an Jetōb Kwojarjar.

Meñe iaar etal n̄an Anij kōn kajjitōk ko, ta eo iaar jele raan eo eaar leleke jen baj uwaak ko n̄an kajjitōk ko. Iaar jele bwe Anij ar pād ijen. E ej lukkuun mool. Iaar eñjake imwe eo an Jetōb Kwojarjar ilo juon wāween, me ij jamin maroñ in pere. Iaar jele bwe Anij ar jele kajjieō, bwe ej uwaaki jar ko im naaj leleke uwaak. Iaar jele kōn eō make bwe Bok in Mormon ej juon leleke emool, im bwe Joseph Smith ar juon rikanaan an Anij. Ij jamin naaj tōmak wōt, kōnke jān iien eo, iaar jele.

Ilo aō reileke ilowaan 21 iiō tokalik kōn eñjake eo joten eo, im kile iien ko raorōk, eo tōl n̄an naan in kaool eo epen Ij jutak kake wōt rainin, Ij eñjake kaoolol kōn wāween eo kōn naan in kaool eo eaar kōmaroñ eō n̄an kōm̄mani kālet ko rōm̄man ilo tōre in jodikdik kein aō, im tok ālkin naaj tōl eō n̄an jerbale juon mijen, im mare ilo tampele eo. Ij kaoolol kōn makūtūt in imwe ko an ro jinō im jema im ro ij iakwe. Joñan iien eo ij joleki ippān ro mōtta ilo kojpele in, joñan eo ij kile wōŋāān eo eaorōk kōn uwaak ko Iaar būki me jotenin eo ilo rūum̄ in kiki eo aō, ilo an jema pād tūrājetū. Ij laudiñdiñ kōn iien eo im Ij kaoolol Jemedwōj Ilañ kōn an roñjake juon ajri 11 an iiō, im uwaak eo ejejjet n̄an pukōt mool eo kōn jar. Iaar lo kallimur eo an Moronai bwe emool-Anij “enaaj kweleke mool eo n̄an eok” ele- ñne kwoj lukkuun kōŋaan jele. ■

Ekkatak kōn Waanjoñak

Jen Ruby Talataina

Eaar juon allōn jen ke iaar kadiwōjlok jān BYU-Hawaii kōn Bachelor's degree ilo biochemistry, im iaar kōñaan kōmman jabdewōt ilo mour eo aō. Talboon eo ar riin alen kein kōlalem ilo raan eo, ilo an māma im nā jijet ilo taibōl eo im kōnono. Ro jeiū im jatū raar talboone tok māma nān kōnono ippān kōn jet idajoñjoñ ko rej jeļmae. Nā barāinwōt, iaar kwaļok aolepān jotāan eo kōn jet kōttōpar in jermal ko kar bōbrae, im iaar kōñaan bwe māma en kainōmman aō metak. Māma eaar am “rikakpilōklōk” ilo raan jab eo.

Ke ij jijet ijo im lale an māma bōk talboon ko jān ro jeiū im jatū ilo laļ ko jet; iaar kile juon joñok. Enaaj kar uwaak talboon eo, jijet im roñjake, leļok kapilōk, innām likūt talboon eo im etal nān rūum in kiki eo im kiil kōjem eo an. Innām māma emaroñ kar bar jepļaak tok nān taibōl eo im wōnmaanļok wōt im roñjake eō. Kajjojo iien ej waļok ñe juon iaan eo jeiū im jatū ej ikūr-tok. Āliktata, ālkin waate menin kōn ikdelel, iaar kōttar jeļjo minit ko ālkin an kiil rūum in kiki eo an mōkta jen aō ajjidikdikļok nān rūum eo an. Eaar jidik wōt aō kōpellōk kōjem eo im allimōmōik lowaan rūum eo an.

Meja eaar obrak kōn dānin kōmjaalaļ ke ij lo jinō ilo jikin kiki eo an, bukwelōlō ilo jar. Iaar mōkaj in roļok ļok nān taibōl eo im jijet im kōttar e. “Kōn menin eaar an wōt ilo ittiņo”, Iaar mōkaj in ļomņak ippa make. Eaar kapilōk im katakin, innām likūt jidik ilo pein Irooj.

Kar katakin eō nān likūt aō tōmak ilo Jemedwōj Ilañ, im jeļā bwe E ej roñjake, im E ej lõmņak

kōn aikuj ko aō im kōñaan ko ilo būruwō. Ij kō-jatdikdik bwe juon raan ñe inaaļ juon māma, Ima-roñ in ļoor waanjoñak eo an jinō make, katakin ajri ro nejū ilo mour kake pedped ko an kōjpeļ eo im jab baj katakin wōt ilo naan jen lōñi. Tōmak eo aō ilo Jemedwōj Ilañ eaar eddōkļok, im ilo aō pād ettoļok jen mweo im make iaaō ijeļā kiiō nān ļoor joñak eo jinō ar kwaļok nān eō. Juon bisop mōktaļok ar ba nān eō “ñe jej jar kōn kajoor Anij

ejab leļok nān kōj mājōļ, ej letok nān kōj idajoñjoñ ko.” Ñe idajoñjoñ kein rej itok, Ij lo eō make ej bukwelōlō kwaļok aolep būruwō nān Irooj, jeļā bwe E ej roñjake eō, im E ejeļā bwe inaaļ dipļoki. Ijeļā bwe Jined im Jemedwōj Ilañ rej āinwōt ro jined im jemed ilaļ. Ñe ro jeiū im jatū im nā kōmij kajjitōk ippān ro jinō im jema kōn jipañ kōn jet men emaroñ bōk iien nān bōke, aolep iien ro jinō im jema rej lukkuun lale kajjitōk eo, elañne kajjitōk ewōr unin im ewōr juon un emman kake. Remaroñ in jab kajju letok uwaak eo, ak ijeļā bwe meñe ijjab loe uwaak eo kiiō, rej nūrbōktak kōn jekjek eo aō im nān jermal e maanļok. Iaar eñjake ejja āinwōt Jemedwōj Ilañ. Jej ilok Ippān kōn

jipañ, im meñe jejab maroñ lo an uwaak jar ko ad kiiō, ewōr aō tōmak bwe E ejeļā im ej kile jekjek eo aō, im ej jermal e maanļok nān jipañ eō, elañne kōñaan eo ejimwe. Ijeļā Enaaj uwaak e jar ko aō ñe iien eo ejimwe. Ij kaņoolol kōn ro jinō im jema ro rejjab wōt katakin eō kōjpeļ eo, ak mour kake kōjpeļ eo; im kōnke Iaar rüttotak im lo aer bukwelōlō emen alen kajjo jibboñ im kajjojo jota, Ij kiiō kōmmane ejja jekjek in wōt im ar jipañ eō bōk juon naan in kaņool eo emman kōn jar im tōmak. ■

PIA EO ETTĀ AN LAIBRĀRE AN CHURCH MEDIA



Jemedwōj Ilañ ejeļā kōj, im ta eo jej dipļoki.

Ritöl ro an Fiji rej Lolorjake Jodikdik ro ñan “Jutak im Romaak”

Suva, Fiji

Turinlòk 630 rümman ded ro raar itok jän ettolòk äinwöt Taveuni, Kadavu, im Rabi ñan päd ilo juon Regional Youth Conference ilo Suva ijo kar lelòk naan in kapilòk ko jen Social Welfare im Women’s Minister Dr. Jiko Luveni, ekkar ñan juon riboot ilo Fiji Times.

Bwebwenato eo ej wönmaanlòk: “Jodikdik in membör ro an LDS Church ilo Fiji raar koba

ippän doon ilo Tamavua ñan ejaaki kapeel in töl ko, kōkajoorlòk jetöb in tōmak eo aer im päd ilo makütüküt in kaddòklòk ko an juon make.”

Kōnono kōn unin kōnono eo “Jutak im romaak bwe ami meram en maroñ in juon joñak ñan aolep laḷ ko”, Dr. Luveni ar kakeememej jodikdik ro raar päd ñan kile kålet ko aer rej kōmmani, im kōttōpar eo ewör ippäer ilju im jeklaj.

**Social Welfare
im Women’s
Minister Dr. Jiko
Luveni im Elder
Taniela Wakolo**

“Ilo kweilòk in ej juon jikin ñan kōpooj eok ilo iiaio, lōmḷak im men eo eoròktata ej ilo jetöb. Bök eddoin mour ko am make, kōmman juon oktak rainin im kemeemej bwe kōn kōlmenlòkjen ko rerreo juon raan kwonaaj bök ettōḷak ko am”, liin ar ba.

Taniela Wakolo, juon Eria Jiljilimjuonñoul im Fiji Service Centre manija, ar ba jodikdik ro rej ilju im jeklaj eo an Fiji im “eaorök ñan miye eddòklòk eo aer make. Ewör 630 jodikdik ro rej itok jän aolepän Fiji. Rej ioon doon juon alen juon iio ñe jej röjañ er ñan kōmman juon oktak, ejjab ñe rej rütto wöt ak ej ilo iio eo rej päd ie kiiö,” eaar ba.

“Äinwöt jodikdik ro rej aikuḷ in kile ta eo rej lōmḷak e kiiö naaj lōmḷak kōn ilju im jeklaj eo aer, kōn menin eaorök ñan jukjukinpäd ko im kabuñ ko ñan jipañ jodikdik ro kōmmane kålet ko remman im wör tokjæer.”

Kausalani Solomone, eo ej päd ilo LDS College ilo Suva, kar ba ilo kweilòk eo kōn lōñaj er ñan tōpar ettōḷak ko aer.

“Eñin ej wāween eo emman tata ñan jolòk iien ilo holiday ko ilo ad naaj rōḷ ñan lamgren ko ad, jaar jab ikdelel wöt ñan ekkatak ak ñan kalök kōj make äinwöt citizen ro remman im rej eddo in Fiji,” eaar ba. ■



PIA ETIÁ AN LIABRARE AN PUBLIC AFFAIRS

MARSHALLESE